

摛藻堂四庫全書薈要

集部

欽定四庫全書會要

集部

御定全唐詩卷二百七十九

五至

欽定四庫全書
欽定全唐詩卷一百七十五

御定全唐詩卷一百七十五

李白

南陽送客

酒勿為薄寸心貴不忘坐惜故人去偏令遊子傷離
顏忽芳草春思結垂楊揮手再三別臨歧空斷腸

送張舍人之江東

張翰江東去正值秋風時天清一鴈遠海闊孤帆遲白

日行欲暮滄波杳難期吳洲如見月千里幸相思

送王屋山人魏萬還王屋

并序

王屋山人魏萬云自嵩宋沿吳相訪數千里不遇
乘興遊台越經永嘉觀謝公石門後於廣陵相見
美其愛文好古浪跡方外因述其行而贈是詩

一作

見王屋山人魏萬云自嵩歷兗遊梁入吳計程三
千里相訪不遇因下江東尋諸名山往復百越後
於廣陵一面遂乘興共過金陵此公愛奇
好古獨出物表因述其行李遂有此作

僂人東方生浩蕩弄雲海沛然乘天遊獨往失所在

一作

東方不辭家獨訪紫泥海
時人少相逢往往失所在

魏侯繼大名本家聊攝城卷

舒入元化跡與古賢并十三弄文史揮筆如振綺辯折

田巴生心齊魯連子西涉清洛源頗驚人世喧采秀卧

王屋因窺洞天門竭來遊嵩峰羽客何雙雙朝攜月光

子暮宿玉女牕鬼谷上窈窕龍潭下奔豫東浮汴河水

訪我三千里逸興滿吳雲飄颻淛江汜揮手杭越間樟

亭望潮還濤卷海門石雲橫天際山白馬走素車雷奔

駭心顏遙間會稽美且度

一作

耶溪水萬壑與千巖崕

巒鏡湖裏秀色不可名清輝滿江城人遊月邊去舟在

空中行此中久延佇入剡尋王許笑讀曹娥碑沈吟黃

絹語天台連四明日入向國清五峰轉月色百里行松

聲靈溪咨沿越華頂殊超忽石梁橫青天側足履半月

忽然思永嘉不憚海路賒挂席歷海嶠迴瞻赤城霞赤

城漸微沒孤嶼前峽兀水續萬古流亭空千霜一作月

縉雲川谷難石門最可觀瀑布挂北斗莫窮此水端噴

壁灑素雪空濛生晝寒却思一作尋惡溪去寧懼惡溪惡

咆哮七十灘水石相噴薄路創李北海巖開謝康樂松
風和猿聲搜索連洞壑徑出梅花橋雙溪納歸潮落帆
金華岸赤松若可招沈約八詠樓城西孤宕堯宕堯四
荒外曠望羣川會雲卷天地開波連浙西大亂流新安
口北指嚴光瀨釣臺碧雲中邈與蒼嶺對稍稍來吳都
襄回上姑蘇煙綿橫九疑漭蕩見五湖目極心更遠悲
歌但長吁迴橈楚江濱揮策揚子津身著日本裘表則
朝卿
布為之所贈日本 吊藏出風塵五月造我語知非俗一作
臺 偽人

相逢樂無限水石日在眼徒干五諸侯不致百一作千金

產吾友揚子雲弦歌播清芬雖為江寧宰好與山公羣
乘興但一行且知我愛君君來幾何時僂臺應有期東
窗綠玉樹定長三五枝至今天壇人當笑爾歸遲我苦
惜遠別茫然使心悲黃河若不斷白首長相思

送當塗趙少府赴長蘆

我來揚都市送客回輕舠因誇楚太子便覩廣陵濤仙
尉趙家玉英風凌四豪維舟至長蘆目送煙雲高搖扇

對酒樓持袂把蟹螯前途儻相思登嶽一長謠

送友人尋越中山水

聞道稽山去偏宜謝客才千巖泉灑落萬壑樹縈迴東
海橫秦望西陵遶越臺湖清霜鏡曉濤白雪山來八月
枚乘筆三吳張翰杯此中多逸興早晚向天台

送族弟凝之滁求婚崔氏

與爾情不淺忘筌已得魚玉臺挂寶鏡持此意何如坦
腹東牀下由來志氣疎遙知向前路擲果定盈車

送友人遊梅湖

送君遊梅湖應見梅花發有使寄我來無令紅芳歇暫行新林浦定醉金陵月莫惜一鴈書音塵坐胡越

送崔十二遊天竺寺

還聞天竺寺夢想懷東越每年海樹霜桂子落秋月送君遊此地已屬流芳歇待我來歲行相隨浮溟渤

送楊山人歸天台

客有思天台東行路超忽濤落浙江秋沙明浦陽月今

遊方厭楚昨夢先歸越且盡秉燭歡無辭凌晨發我家
小阮賢剖竹赤城邊詩人多見重官燭未曾然興引登
山屐情催泛海船石橋如可度攜手弄雲煙

送溫處士歸黃山白鶯峰舊居

黃山四千仞三十二蓮峰丹崖夾石柱茵苔金芙蓉伊
昔昇絕頂下窺天目松仙人鍊玉處羽化留餘蹤亦間
溫伯雪獨往今相逢採秀辭五岳攀巖歷萬重歸休白
鵝嶺渴飲丹砂井鳳吹我時來雲車爾當整去去陵陽

東行行芳桂叢迴溪十六度碧嶂盡晴空他日還相訪

乘橋躡綠虹

送方士趙叟之東平

長桑曉洞視五藏無全牛趙叟得祕訣還從方士遊西過獲麟臺為我弔孔丘念別復懷古潛然空淚流

送韓準襄政孔巢父還山

獵客張兔罝不能挂龍虎所以青雲人高

一作浩

歌在巖

戶韓生信英彥裴子含清真孔侯復秀出俱與雲霞親

峻節凌遠松同衾卧盤石斧冰漱寒泉三子同二屐時
時或乘興往往雲無心出山揖牧伯長嘯輕衣簪昨宵
夢裏還云弄竹溪月今晨魯東門帳飲與君別雪崖滑
去馬蘿徑迷歸人相思若煙草歷亂無冬春

送楊少府赴選

大國置衡鏡準平天地心羣賢無邪人朗鑒窮情深吾
君詠南風袞冕彈鳴琴時泰多美一作富士京國會一作富

纓簪山苗落澗底幽松出高岑夫子有盛才主司得球

琳流水非鄭曲前行遇知音衣工剪綺繡一悞傷千金
何惜刀尺餘不裁寒女衾我非彈冠者感別但開襟空
谷無白駒賢人豈悲吟大道安棄物時來或招尋爾見
山吏部當應無陸沈

對雪奉餞任城六父秩滿歸京

龍虎謝鞭策鶴鸞不司晨君看海上鶴何似籠中鶴獨
用天地心浮雲乃吾身雖將簪組狎若與煙霞親季父
有英風白眉超常倫一官即夢寐脫屣歸西秦竇公敵

華筵墨客盡來臻燕歌落胡鴈郢曲迴陽春征馬百度嘶遊車動行塵躊躇未忍去戀此四座人餞離駐高駕惜別空殷勤何時竹林下更與步兵鄰

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂日色促歸人連歌倒芳樽馬嘶俱醉起分手更何言

魯郡堯祠送竇明府薄華還西京

時久病初起作

朝策犁眉騶舉鞭力不堪強扶愁疾向何處角巾微服

一作步

堯祠南長楊掃地不見日石門噴作金沙潭笑誇

故人指絕境山光水色青於藍廟中往往來擊鼓堯本

無心爾何苦門前長跪雙石人有女如花日歌舞銀鞍

繡轂往復迴簷林蹶

一作冰

石鳴風雷遠煙空翠時明滅

白鷗歷亂長飛雪紅泥亭子赤闌干碧流環轉青錦湍

深沈百丈洞海底那知不有蛟龍蟠君不見綠珠潭水

流東海綠珠紅粉沈光彩綠珠樓下花滿園今日曾無

一枝在昨夜秋聲閭閻來洞庭木落騷人哀遂將三五

少年輩登高遠望形神開生前一笑輕九鼎魏武何悲
銅雀臺我歌白雲倚牕牖爾聞其聲但揮手長風吹月
度海來遙勸僊人一杯酒酒中樂酣宵向分舉觴酌堯
堯可聞何不令臯繇擁篲橫八極直上青天揮一作掃浮
雲高陽小飲真瓊瑣山公酩酊何如我竹林七子去道
賒蘭亭雄筆安足誇堯祠笑殺五湖水至今顚願空荷
花爾向西秦我東越暫向瀛洲訪金闕藍田太白若可
期為余掃灑石上月

金鄉送韋八之西京

客自長安來還歸長安去狂風吹我心西挂咸陽樹此情不可道此別何時遇望望不見君連山起煙霧

送薛九被讒去魯

宋人不辨玉魯賤東家丘我笑薛夫子胡為兩地遊黃金消衆口白璧竟難投梧桐生蒺藜綠竹乏佳實鳳凰宿誰家遂與羣雞匹田家養老馬窮士歸其門蛾眉笑躉者賓客去平原却斬美人首三千還駿奔毛公一挺

劍楚趙兩相存孟嘗習狡兔三窟賴馮谖信陵奪兵符
為用侯生言春申一何愚刎首為李園賢哉四公子撫
掌黃泉裏借問笑何人笑人不好士爾去且勿誼桃李
竟何言沙丘無漂母誰肯飯王孫

單父東樓秋夜送族弟沈之秦

時凝弟在席

爾從咸陽來問我何勞苦沐猴而冠不足言身騎土牛
滯東魯沈弟欲行凝弟留孤飛一雁秦雲秋坐來黃葉
落四五北斗已挂西城樓絲桐感人弦亦絕滿堂送君

皆惜別。卷簾見月清興來。疑是山陰夜中雪。明日斗酒別。惆悵清路塵。遙望長安日。不見長安人。長安宮闕九天上。此地曾經為近臣。一朝復一朝。髮白心不改。屈原憔悴滯江潭。亭伯流離放遼海。折翮翻飛隨轉蓬。聞弦虛墜下霜空。聖朝久棄青雲士。他日誰憐張長公。

送族弟凝至晏堌

單父三
十里

雪滿原野白戎裝。出盤遊。揮鞭布獵騎。四顧登高丘。冕起馬足間。蒼鷹下平疇。喧呼相馳逐。取樂銷人憂。舍此

戒禽荒微聲列齊謳鳴雞發晏堌別雁驚來溝西行有
東音寄與長河流

魯城北郭曲腰桑下送張子還嵩陽

送別枯桑下凋葉落半空我行懵道遠爾獨知天風誰
念張仲蔚還依蒿與蓬何時一杯酒更與李膺同

御定全唐詩卷一百七十五

欽定四庫全書會要卷一萬七千五百八十一

集部

御定全唐詩卷一百七十六

李白

送魯郡劉長史遷弘農長史

魯國一杯水難容橫海鱗仲尼且不敬況乃尋常人白
玉換斗粟黃金買尺薪閉門木葉下始覺秋非春聞君
向西遷地即鼎湖鄰寶鏡匣蒼蘚丹經理素塵軒后上
天時攀龍遺小臣及此留忠愛庶幾風化淳魯縞如白

煙五縑不成東臨行贈貧交一尺重山岳相國齊晏子
贈行不及言託陰當樹李忘憂當樹萱他日見張祿繩
袍懷舊恩

送族弟單父主簿凝攝宋城主簿至鄖南月橋
却迴棲霞山留飲贈之

吾家青萍劍操割有餘閒往來糾二邑此去何時還鞍
馬月橋南光輝歧路間賢豪相追餞却到棲霞山羣花
散芳園斗酒開離顏樂酣相顧起征馬無由攀

魯郡東石門送杜二甫

醉別復幾日登臨偏池臺何時石門路重有金樽開秋
波落泗水海色明徂徠飛蓬各自遠且盡手中杯

魯郡堯祠送張十四遊河北

猛虎伏尺草雖藏難蔽身有如張公子骯髒在風塵豈
無橫腰劍屈彼淮陰人擊筑向北燕燕歌易水濱歸來

泰山上當與爾為鄰

杭州送裴大澤赴廬州長史

西江天柱遠東越海門深去割慈親戀行憂報國心好
風吹落日流水引長吟五月披裘者應知不取金

灞陵行送別

送君灞陵亭灞水流浩浩上有無花之古樹下有傷心
之春草我向秦人問路歧云是王粲南登之古道古道

連綿走西京紫閣一作闕落日浮雲生正當今夕斷腸處

黃鸝一作驪歌愁絕不忍聽

送賀監歸四明應制

久辭榮祿遂初衣曾向長生說息機真訣自從茅氏得
恩波寧阻一作應許洞庭歸瑤臺含霧星辰滿仙嶠浮空島
嶼微借問欲棲珠樹鶴何年却向帝城飛

送竇司馬貶宜春

天馬白銀鞍親承明主歡鬪雞金宮裏射鴈碧雲端堂
上羅中貴歌鍾清夜闌何言謫南國拂劍坐長歎趙璧
為誰點隋珠枉被彈聖朝多雨露莫厭此行難

送羽林陶將軍

將軍出使擁樓船江上旌旗拂紫煙萬里橫戈探虎穴

三杯拔劍舞龍泉莫道詞人無膽氣臨行將贈繞朝鞭

送程劉二侍郎兼獨孤判官赴安西幕府

安西幕府多材雄喧喧惟道三數公繡衣貂裘明積雪
飛書走檄如飄風朝辭明主出紫宮銀鞍送別金城空
天外飛霜下葱海上火旗雲馬生光彩胡塞清塵幾日歸

漢家草綠遙相待

送姪良攜二妓赴會稽戲有此贈

攜妓東山去春光半道催遙看若桃李雙入鏡中開

送賀賓客歸越

鏡湖流水漾清波狂客歸舟逆興多山陰道士如相見

應寫黃庭換白鶩

送張遙之壽陽幕府

壽陽信天險天險橫荆關苻堅百萬衆遙阻八公山不
假築長城大賢在其間戰夫若熊虎破敵有餘閒張子
勇且英少輕衛霍辱投軀紫髯將千里望風顏戢爾効

才略功成衣錦還

送襄十八圖南歸嵩山二首

何處可為別長安青綺門胡姬招素手延一作留客醉金

樽臨當上馬時我獨與君言風吹芳蘭折日沒烏雀喧舉手指飛鴻此情難具論同歸無蚤晚頽水有清源

君思頽水綠忽復歸嵩岑歸時莫洗耳為我洗其心洗心得真情洗耳徒買名謝公終一起相與濟蒼生

同王昌齡送族弟襄歸桂陽二首

一作同王昌
齡崔國輔送

李舟歸

郴州

秦地見碧草楚謠對清樽把酒爾何思鷓鴣啼南園
欲羅浮隱猶懷明主恩躊躇紫宮戀孤負滄洲言終然
無心雲海上同飛翻相期乃不淺幽桂有芳根

爾家何在瀟湘川青莎白石長沙邊昨夢江花照江日
一作月幾枝正發東牕前覺來欲往心悠然魂隨越鳥飛
南天秦雲連山海相接桂水橫煙不可涉送君此去令

人愁風帆茫茫隔河洲春潭瓊草綠可折西寄長安明

月樓

送外甥鄭灑從軍三首

六博爭雄好彩來
金盤一擲萬人開
丈夫賭命報天子
當斬胡頭衣錦回

丈八蛇矛出龍西
彎弧拂箭白猿啼
破胡必用龍韜策
積甲應將熊耳齊

月蝕西方破敵時
及瓜歸日未應遲
斬胡血變黃河水
梟首當懸白鵲旗

送于十八應四子舉落第還嵩山

吾祖吹橐籥天人信森羅歸根復太素羣動熙元和炎
炎四真人摛辯若濤波交流無時寂楊墨日成科夫子
間洛誦誇才才固多為金好踊躍夕客方蹉跎道可東
賣之五寶溢山河勸君還嵩丘開酌盼庭柯三花如未
落乘興一來過

送別

尋陽五溪水汎洄直入巫山裏勝境由來人共傳君到

南中自稱美送君別有八月秋颯蘆花復益愁雲帆
望遠不相見日暮長江空自流

送族弟綰從軍安西

漢家兵馬乘北風鼓行而西破犬戎爾隨漢將出門去
剪虜若草收竒功君王按劍望邊色一作邑旄頭已落胡
天空匈奴繫頸數應盡明年應入蒲萄宮

送梁公昌從信安北征

入幕推英選捐書事遠戎高談百戰術鬱作萬夫雄起

舞蓮花劍行歌明月弓將飛天地陣兵出塞垣通祖席

留丹景征麾拂彩虹旋應獻凱入麟閣佇深功

送白利從金吾董將軍西征

西羌延國討白起佐軍威劍決浮雲氣弓彎明月輝馬

行邊草綠旌

一作旗

卷曙霜飛抗手凜相顧寒風生鐵衣

送張秀才從軍

六駁食猛虎恥從駕馬羣一朝長鳴去矯若龍行雲壯
士懷遠略志存解世紛周粟猶不顧齊珪安肯分抱劍

辭高堂將投崔冠軍長策掃河洛寧親歸汝墳當令千

古後麟閣著奇勲

送崔度還吳

度故人禮部員外輔國之子

幽燕沙雪地萬里盡黃雲朝吹歸秋雁南飛日幾羣中
有孤鳳雛哀鳴九天聞我乃重此鳥綵章五色分胡為
雜凡禽雞鶩輕賤君舉手捧爾足疾心若火焚拂羽淚
滿面送之吳江瀆去影忽不見躊躇日將曛

送祝八之江東賦得浣紗石

西施越溪女明鑑光雲海未

一作來

入吳王宮殿時浣紗

古故

一作石今猶在桃李新開映古查菖蒲猶短出平沙

昔時紅粉

一作顏

照流水今日青苔覆落花君去西秦適

東越碧山青江幾超忽若到天涯忠故人浣紗石上窺

明月

送侯十一

朱亥已擊晉侯羸尚隱身時無魏公子豈貴抱關人余
亦不火食遊梁同在陳空餘湛盧劍贈爾託交親

魯中送二從弟赴舉之西京

一作送
族弟望

魯客向西笑君門若夢中霜凋逐臣髮日憶明光宮復羨二龍去才華冠世雄平衢驛高足逸翰凌長風舞袖拂秋月歌筵間蛩鴻送君日千里良會何由同

奉餞高尊師如貴道士傳道錄畢歸北海

道隱不可見靈書藏洞天吾師四萬劫歷世還相傳別杖留青竹行歌躡紫煙離心無遠近長在玉京懸

金陵送張十一再遊東吳

張翰黃花句風流五百年誰人今繼作夫子世稱賢再
動游吳櫂還浮入海船春光白門柳霞色赤城天去國
難為別思歸各未旋空餘賈生淚相顧共悽然

送紀秀才遊越

海水不滿眼觀濤難稱心即知蓬萊石却是巨鼈簪送
漏遊華頂令余發鳥吟仙人居射的道士住山陰禹穴
尋溪入雲門隔嶺深綠蘿秋月夜相憶在鳴琴

送長沙陳太守二首

長沙陳太守逸氣凌青松英主賜五馬本是天池龍湘
水迴九曲衡山望五峰榮君按節去不及遠相從

七郡長沙國南連湘水濱定一作吳

王垂舞袖地窄不迴

身莫小二千石當安遠俗人洞庭鄉路遠遙羨錦衣春

送楊燕之東魯

關西楊伯起漢日舊稱賢四代

一作五

公族清風播人

天夫子華陰居開門對玉蓮何事歷衡霍雲帆今始還
君坐稍解顏為君歌此篇我固侯門士謬登聖主筵一

辭金華殿蹭蹬長江邊二子魯門東別來已經年因君
此中去不覺淚如泉

送蔡山人

我本不棄世世人自棄我一乘無倪舟八極縱遠旆燕
客期躍馬唐生安敢譏採珠勿驚龍大道可暗歸故山
有松月遲爾訣清暉

送蕭三十一之魯中兼問稚子伯禽

六月南風吹白沙吳牛喘月氣成霞水國鬱
敵一作蒸不

可處時炎道遠無行車夫子如何涉江路雲帆娟娟金
陵去高堂倚門望伯魚魯中正是趨庭處我家寄在沙
丘傍三年不歸空斷腸君行既識伯禽子應駕小車騎

白羊

送楊山人歸嵩山

我有萬古宅嵩陽玉女峰長留一片月挂在東溪松爾
去掇仙草菖蒲花紫茸一作君行到此歲晚或相訪青
峰餐霞駐衰容

天騎白龍

送殷淑三首

海水不可解連江夜為潮俄然浦嶼闊岸去酒船遙惜
別耐取醉鳴榔且長謠天明爾當去應便有風飄

白鷺洲前月天明送客回青龍山後日早出海雲來流
水無情去征帆逐吹開相看不忍別更進手中杯

痛飲龍筭下燈青月復寒醉歌驚白鷺半夜起沙灘

送岑徵君歸鳴臯山

岑公相門子雅望歸安石奕世皆夔龍中台竟三折至

人達機兆高揖九州伯奈何天地間而作隱淪客貴道

能一作皆全真潛輝卧幽鄰

一作鱗

探玄入宵默觀化游無

垠光武有天下嚴陵為故人雖登洛陽殿不屈巢由身

余亦謝明主今稱偃蹇臣登高覽萬古思與廣成鄰踏

海寧受賞還山非問津西來

一作終期

一搖扇共拂元規塵

送范山人歸泰山

魯客抱白鶴

一作雞

別余往泰山初行若片雲

一作雪

杳在

青崖間高高至天門日觀海

一作日

近可攀雲山望不及此

去何時還

御定全唐詩卷一百七十六

人制猛虎振錫還孤峰他日南陵下相期谷口逢

送友人

青山橫北郭白水遠東城此地一為別孤蓬萬里征浮雲遊子意落日故人情揮手自茲去蕭蕭班馬鳴

送別

斗酒渭城邊爐頭醉不眠梨花千樹雪楊葉萬條煙惜別傾壺醑臨分贈馬鞭看君頰上去新月到應圓

江上送女道士褚三清遊南嶽

吳江女道士頭戴蓮花巾霓衣

一作裳

不濕雨特異陽臺

雲足下遠遊履凌波生素塵尋仙向南嶽應見魏夫人

送友人入蜀

見說蠶叢路崎嶇不易行山從人面起雲傍馬頭生芳樹籠秦棧春流遶蜀城升沈應已定不必問君平

送李青歸南葉

一作華

陽川

伯陽仙家子容色如青春日月祕靈洞雲霞辭世人化心養精魄隱几宵天真莫作千年別歸來城郭新

送舍弟

吾家白額一作馬 駒遠別臨東道他日相思一夢君應得

池塘生春草

送別得書字

水色南天遠舟行若在虛遷人發佳興吾子訪間居日

落看歸鳥潭澄羨一作憐 離魚聖朝思賈誼應降紫泥書

送麌十少府

試發清秋興因為吳會吟碧雲歛海色流水折江心我

有延陵劍君無陸賈金難此為別惆悵一何深

送張秀才謁高中丞

并序

余時繫潯陽獄中正讀留侯傳秀才張孟熊蘊滅
胡之策將之廣陵謁高中丞余嘉子房之風感激
于斯人因作是詩以送之

秦帝淪玉鏡

一作六雄
滅金虎

留侯降氣氤感激黃石老經過

滄海君壯士揮金槌報讐讐六國聞智勇冠終古蕭陳難
與羣兩龍爭鬪時天地動風雲酒酣

一作縱橫

舞長劍倉卒

解漢紛宇宙初倒懸鴻溝勢將分英謀信竒絕夫子揚
清芬一作夫子稱卓超然繼清芬胡月入紫微三光亂天文高公鎮
淮海談笑却妖氛採爾幕中畫戩難光殊勲我無燕霜
感玉石俱燒焚但灑一行淚臨歧竟何云

潯陽送弟昌峒鄱陽司馬作

桑落洲渚連滄江無雲煙尋陽非剡水忽見子猷船飄
然欲相近來遲杳若仙人乘海上月帆落湖中天一覩
無二諾朝權更勝昨爾則吾惠連吾非爾康樂朱紱白

銀章上官佐鄱陽松門拂中道石鏡迴清光搖扇及于
越水亭風氣涼與爾期此亭期在秋月滿時過或未來
兩鄉心已斷吳山對楚岸彭蠡當中州相思定如此有
窮盡年愁

錢校書叔雲

少年費白日歌笑矜朱顏不知忽已老喜見春風還惜
別且為歡裴回桃李間看花飲美酒聽鳥臨晴山向晚
竹林寂無人空閑闌

送王孝廉覲省

彭蠡將天合姑蘇在日邊寧親候海色欲動孝廉船窈
窕晴江轉參差遠岫連相思無晝夜東泣似長川

同吳王送杜秀芝赴舉入京

秀才何翩翩王許回也賢暫別廬江守將遊京兆天秋
山宜落日秀水出寒烟欲折一枝桂還來雁沼前

洞庭醉後送絳州呂使君果

一作果

流澧州

昔別若夢中天涯忽相逢洞庭破秋月縱酒開愁容贈

劍刻玉字延平兩蛟龍送君不盡意書及雁迴峯

與諸公送陳郎將歸衡陽

并序

仲尼旅人文王明夷苟非其時聖賢低眉况僕之
不肖者而遷逐枯槁固非其宜朝心不開暮髮盡
白而登高送遠使人增愁陳郎將義風凜然英思
逸發來下曹城之榻去邊才子之詩動清興於中
流泛素波而徑去諸公仰望不及連章祖之序慚
起予輒冠名賢之首作者嗤我乃為撫掌之資乎

衡山蒼蒼入紫冥下看南極老人星迴飈吹散五峰雪
往往飛花落洞庭氣清嶽秀有如此郎將一家施金紫
門前食客亂浮雲世人皆比孟嘗君江上送行無白璧
臨歧惆悵若為分

送趙判官赴黔府中丞叔幕

廓落青雲心交結黃金盡富貴翻相忘令人忽自哂蹭
蹬鬚毛斑盛時難再還巨源咄石生何事馬啼間綠蘿
長不厭却欲還東山君為魯曾子拜揖高堂裏叔繼趙

平原偏承明主恩風霜推獨坐旌節鎮雄藩虎士秉金
鉞蛾眉開玉樽才高幕下去義重林中言水宿五溪月
霜啼三峽猿東風吹草綠江上候歸軒

送陸判官往琵琶峽

水國秋風夜殊非遠別時長安如夢裏何日是歸期

送梁四歸東平

玉壺挈美酒送別強為歡大火南星月長郊北路難殷
王期負鼎汶水起垂竿莫學東山卧參差老謝安

江夏送一作祖友人

雪點翠雲裘送君黃鶴樓黃鶴振玉羽西飛帝王鳳
無琅玕實何以贈遠遊裴回相顧影淚下漢江流

送郄昂謫巴中

瑤草寒不死移植滄江濱東風灑雨露會入天地

一作池

春予若洞庭葉隨波送逐臣思歸未可得書此謝情人

江夏送張丞

欲別心不忍臨行情更親酒傾無限月客醉幾重春藉

草依流水攀花贈遠人送君從此去迴首泣迷津

賦得白鷺鸞送宋少府入三峽

白鷺拳一足月明秋水寒人驚遠飛去直向使君灘

送二季之江東

初發強中作題詩與惠連多慚一日長不及二龍賢西
塞當中路南風欲進船雲峰出遠海帆影挂清川禹穴
藏書地匡山種杏田此行俱有適遲爾早歸旋

江西送友人之羅浮

桂水分五嶺衡山朝九疑鄉關渺安西流浪將何之素
色愁明湖秋渚晦寒姿疇昔紫芳意已過黃髮期君王
縱疎散雲壑借巢夷爾去之羅浮我還憇峨眉中澗道
萬里霞月遙相思如尋楚狂子瓊樹有芳枝

宣州謝朓樓餞別校書叔雲

一作陪侍御
叔華登樓歌

棄我去者昨日之日不可留亂我心者今日之日多煩
憂長風萬里送秋雁對此可以酣高樓蓬萊文章建安
骨中間小謝又清發俱懷逸興壯思飛欲上青天覽日

月抽刀斷水水更流舉杯銷愁愁更

一作復

愁人生

一作男兒

在世不稱意明朝散髮弄扁舟

一作舉櫂還滄洲

宣城送劉副使入秦

君即劉越石雄豪冠當時淒清橫吹曲慷慨扶風詞虎
嘯俟騰躍雞鳴遭亂離千金市駿馬萬里逐王師結交
樓煩將侍從羽林兒統兵捍吳越豺虎不敢窺大勲竟
莫敘已過秋風吹秉鉞有季公凜然負英姿寄深且戎
幕望重必台司感激一然諾縱橫兩無疑伏奏歸北闕

鳴駒忽西馳列將咸出祖英察惜分離斗酒滿四筵歌

嘯宛溪渭君擣東山妓我詠北門詩貴賤交不易恐傷

中園葵昔贈紫駟駒今傾白玉卮同歡萬斛酒未足解

相思此別又千里

一作此外
別千里

秦吳渺天涯月明關山苦

水劇隴頭悲借問幾時還春風入黃池無令長相憶折

斷綠楊枝

涇川送族弟錞

涇川三百里若耶羞見之錦石照碧山兩邊白鷺鷺佳

境千萬曲客行無歇時上有琴高水下有陵陽祠仙人
不見我明月空相知問我何事來盧教結幽期蓬山振
雄筆繡服揮清詞江湖發秀色草木含榮滋置酒送惠
連吾家稱白眉愧無海嶠作敢闕河梁詩見爾復幾朝
俄然告將離中流漾彩鷁列岸叢金羈歎息蒼梧鳳分
棲瓊樹枝清晨各飛去飄落天南垂望極落日盡秋深
暝後悲寄情與流水但有長相思

五松山送殷淑

秀色發江左風流奈若何仲文了不還獨立揚清波載
酒五松山穠然白雲歌中天度落月萬里遙相過撫酒
惜此月流光畏蹉跎明日別離去連峰巒嵯峨

送崔氏昆季之金陵

一作秋夜崔八
丈水亭送別

放吳一作歌倚東樓行子期曉發秋風渡江來吹落山上
月主人出美酒滅燭延清光二崔向金陵安得不盡觴
水客弄歸櫂雲帆卷輕霜扁舟敬亭下五兩先飄揚峽
石入水花碧流日更長思君無歲月西笑阻河梁

登黃山凌歛臺送族弟溧陽尉濟充泛舟赴華

陰得齊
字

鸞乃鳳之族，翹翔紫雲霓。文章輝五色，雙在瓊樹棲。一朝各飛去，鳳與鸞俱啼。炎赫五月中，朱曦爍河堤。爾從泛舟役，使我心魂悽。秦地無碧草，南雲喧鼓鼙。君王減玉膳，早起思鳴雞。漕引救關輔，輔疲人免塗。泥宰相作霖，雨農夫得耕。犁靜者伏草，間羣才滿金閨空。手無壯士窮居使人低，送君登黃山長嘯。一作上天梯小舟若鳬。

鴈大舟若鯨鯢開帆散長風舒卷與雲齊日入牛渚晦
蒼然夕煙迷相思定一作在何許一作所在洛陽西

送儲邕之武昌

黃鶴西一作高樓月長江萬里情春風三十度空憶武昌
城送爾難為別銜杯惜未傾湖連張樂地山逐泛舟行
諾為楚人重詩傳謝朓清滄浪吾有曲寄入櫂歌聲

桃竹書筒綺繡文良工巧妙稱絕羣靈心圓映三江月
彩質疊成五色雲中藏寶訣峨眉去千里提攜長憶君

五月東魯行答汶上君

一作翁

五月梅始一作子黃蠶凋桑柘空魯人重織作機杼鳴簾

櫳顧余不及仕學劍來山東舉鞭訪前途獲笑汶上翁
下愚忽壯士未足論窮通我以一箭書能取聊城功終
然不受賞羞與時人同西歸去直道落日昏陰虹此一作

我去爾勿言甘心為轉蓬

早秋單父南樓訓賓公衡

白露見日滅紅顏隨霜凋別君若俯仰春芳辭秋條泰
山嵯峨夏雲在疑是白波漲東海散為飛雨川上來遙
帷却卷清浮埃知君獨坐青軒下此時結念同所懷一
作
同懷者我閉南樓看道書幽簾清寂在仙居曾無好事來
相訪賴爾高文一起予

山中問答

問余何意事一作栖碧山笑而不答心自閒桃花流水窅

然去別有天地非人間

答友人贈烏紗帽

領得烏紗帽全勝白接離山人不照鏡稚子道相宜

酬張司馬贈墨

上黨碧松煙夷陵丹砂末蘭麝凝珍墨精光乃堪掇黃
頭奴子雙鴉鬟錦囊養之懷袖間今日贈予蘭亭去興
來灑筆會稽山

答湖州迦葉司馬問白是何人

青蓮居士謫仙人酒肆藏名三十春湖州司馬何須問
金粟如來是後身

答長安崔少府叔封遊終南翠微寺太宗皇帝

金沙泉見寄

河伯見海若傲然誇秋水小物昧遠圖寧知通方士多
君紫霄意獨往蒼山裏地古寒雲深巖高長風起初登
翠微嶺復憇金沙泉踐苔朝霜滑弄波夕月圓飲彼石
下流結蘿宿溪煙鼎湖夢渌水龍駕空一作茫然早行

子午關一作間

又作峰

却登山路遠一作却歎山路遠

又作頗識關路遠

拂琴聽

霜猿滅燭乃星飯人煙無明一作同

異鳥道絕往返攀厓

倒青天下視白日晚既過一作遇

石門隱還唱一作聞

石潭

歌涉雪寨紫芳一作採

紫莖

濯纓想一作掬

清波此人不可見

此地君自過為余謝風泉其如幽意何

詒崔五郎中

朔雲橫高天萬里起秋色壯士心飛揚落日空歎息長
嘯出原野凜然寒風生幸遭聖明時功業猶未成奈何

懷良圖鬱悒獨愁坐

一作空
獨坐

杖策尋英豪立談乃知我

崔公生民秀緬邈青雲姿制作參造化託諷含神祇海

嶽尚可傾吐諾終不移是時霜飈寒逸興臨華池起舞

拂長劍四座皆揚眉因得窮懽情贈我以新詩又結汗

漫期九垓遠相待舉身憩蓬壺濯足弄滄海從此凌倒

景一去無時還朝遊明光宮暮入闇闔闥但得長把袂

何必嵩丘山

以詩代書答元丹丘

青鳥一作鳥海上來今朝發何處口銜雲錦字一作書與我

忽飛去鳥去凌紫煙書留綺窗前開緘方一作時

一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閒長望

一作歎

胥難見浮

雲橫遠山

金門答蘇秀才

君還石門日朱火始改木春草如有情山中尚含綠折芳愧遙憶永路當自勗遠見故人心平生以此足巨海

納百川麟閣多才賢獻書入金闕酌醴奉瓊筵屢忝白
雲唱恭聞黃竹篇恩光照拙薄雲漢希騰遷銘鼎倘云
遂扁舟方渺然我留在金門君去卧丹壑未果三山期
遙欣一丘樂玄珠寄象因赤水非寥廓願獨東海鷗共
營西山藥棲巖君寂滅處世余龍蠖良辰不同賞永日
應閒居鳥吟簷間樹花落窗下書緣溪見綠篠隔岫窺
紅蕖採薇行笑歌眷我情何已月出石鏡間松鳴風琴
裏得心自虛妙外物空頽靡身世如兩忘從君老煙水

訥坊州王司馬與閻正字對雪見贈

遊子東南來自宛適京國飄然無心雲倏忽復西北訪
戴昔未偶尋嵇此相得愁顏發新懼終宴叙前識閻公
漢庭舊沈鬱富才力價重銅龍樓聲高重門側寧期此
相遇華館陪遊息積雪明遠峰寒城鎖春色主人蒼生
望假我青雲翼風水如見資投竿佐皇極

訥中都小吏攜斗酒雙魚於逆旅見贈

魯酒若琥珀一作琥珀色 汶魚紫錦鱗山東豪吏有俊氣手

攜

一作持

此物贈遠人意氣相傾兩相顧斗酒雙魚表情

素

一本此下有酒來我飲之繪作別離處二句

雙鯷呀呷鰐鼈張跋刺銀盤

欲飛去呼兒拂几霜刃揮紅肌花落白雪霏為君下筋

一餐飽

一作罷

醉著金鞍上馬歸

酬張卿夜宿南陵見贈

月出魯城東明如天上雪魯女驚莎鶴鳴機應秋節當
君相思夜火落金風高河漢挂戶牖欲濟無輕舠我昔
辭林丘雲龍忽相見客星動太微朝去洛陽殿爾來得

茂彥七葉仕漢餘身為下邳客家有圯橋書傳說未夢
時終當起巖野萬古騎辰星光輝照天下與君各未遇
長策委蒿萊寶刀隱玉匣鏽澀空莓苔遂令世上愚輕
我土與灰一朝攀龍去畫龜安在哉故山定有酒與爾
傾金罍

酬岑勲見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不
以千里遙命駕來相招中逢元丹丘登嶺宴碧霄對酒

忽思我長嘯臨清飈
塞予未相知茫茫綠雲垂
俄然素書及解此長渴
飢策馬望山月途窮造階墀
喜茲一會面若覩瓊樹
枝憶君我遠來我懼方速至
開顏酌美酒樂極忽成醉
我情既不淺君意方亦深
相知兩相得一顧輕千金
且向山客笑與君論素心

答從弟幼成過西園見贈

一身自瀟灑萬物何囂誼
拙薄謝明時棲閒歸故園
二季過舊壑四鄰馳華軒
衣劍照松宇賓徒光石門山童

薦珍果野老開芳樽上陳樵漁事下叙農圃言昨來荷花滿今見蘭苔繁一笑復一歌不知夕景昏醉罷同所樂此情難具論

訓王補闕惠翼莊廟宋丞此贈別

學道三千一作十春自言義和人軒蓋宛若夢雲松長相

親偶將二公合復與三山鄰喜結海上契自為天外賓鸞翮我先鍛龍性君莫馴朴散不尚古時訛皆失真勿踏荒溪坡竭來浩然津辟帶何辭楚桃源堪避秦世迫

且離別心在期隱淪酬贈非炯誠永言銘佩紳

詒裴侍御對雨感時見贈

雨色秋來寒風嚴清江爽孤高繡衣人瀟灑青霞賞平
生多感激忠義非外獎禡連積怨生事及徂川往楚邦
有壯士鄙郢翻掃蕩申包哭秦庭泣血將安仰鞭屍辱
已及堂上羅宿莽頗似今之人蟲賊一作蠥陷忠讜渺然
一水隔何由稅歸鞅日夕聽猿怨懷賢盈夢想

詒崔侍御

一本此下有二字

嚴陵不從萬乘遊歸卧空山釣碧流自是客星辭帝座

元非太白醉揚州

翫月金陵城西孫楚酒樓達曙歌吹日晚乘醉
著紫綺裘烏紗巾與酒客數人櫂歌秦淮往石

頭訪崔四侍御

昨翫西城月青天垂玉鉤朝沽金陵酒歌吹孫楚樓忽
憶繡衣人乘船徃石頭草裏烏紗巾倒被紫綺裘兩岸
拍手笑疑是王子猷酒客十數公崩騰醉中流謳浪櫂

海客喧呼傲陽侯半道逢吳姬卷簾出揶揄我憶君到此不知狂與羞一月一作月_下一見君三杯便回橈舍舟共

連袂行上南渡橋興發歌綠水秦客為之搖雞鳴復招清宴逸雲霄贈我數百字字字凌風颺繫之衣裘上相憶每長謠

江上答崔宣城

太華三芙蓉明星玉女峰尋仙下西嶽陶令忽相逢問我將何事湍波歷幾重貂裘非季子鶴氅似王恭謬忝

燕臺召而陪郭隗
蹤水流知入海雲去或從龍樹繞蘆洲
月山鳴鵠鎮鐘還期如可訪台嶺蔭長松

答族姪僧中孚贈玉泉仙人掌茶

并序

余聞荊州玉泉寺近清溪諸山山洞往往有乳窟
窟中多玉泉交流其中有白蝙蝠大如鴉按仙經
蝙蝠一名仙鼠千歲之後體白如雪棲則倒懸蓋
飲乳水而長生也其水邊處處有茗草羅生枝葉
如碧玉唯玉泉真公常采而飲之年八十餘歲顏

色如桃李而此茗清香滑熟異於他者所以能還
童振枯扶人壽也余遊金陵見宗僧中孚示余茶
數十片拳然重疊其狀如手號為仙人掌茶蓋新
出乎玉泉之山曠古未覩因持之見遺兼贈詩要
余答之遂有此作後之高僧大隱知仙人掌茶發
乎中孚禪子及青蓮居士李白也

常聞玉泉山山洞多乳窟仙鼠如白鴉倒懸清溪月茗
生此中石玉泉流不歇根柯灑芳津採服潤肌骨叢一作

楚老卷綠葉枝枝相接連曝成仙人掌似拍洪崖肩舉
世未見之其名定誰傳宗英乃禪伯投贈有佳篇清鏡
燭無鹽顧慚西子妍朝坐有餘興長吟播諸天

訥襄侍御留岫師彈琴見寄

君同鮑明遠邀彼休上人鼓琴亂白雪秋變江上春瑤
草綠未衰攀翻寄情親相思兩不見流淚空盈巾

張相公出鎮荊州尋除太子詹事余時流夜郎
行至江夏與張公去千里公因太府丞王昔使

車寄羅衣二事及五月五日贈余詩余答以此

詩

張衡殊不樂應有四愁詩
慙君錦繡段贈我慰相思
鴻鵠復矯翼鳳凰憶故池
榮樂一如此商山老紫芝

醉後答丁十八以詩譏余追碎黃鸝樓

此詩楊慎云是

作偽

黃鶴高樓已追碎黃鸝仙人無所依
黃鶴上天訴玉帝
卻放黃鸝江南歸神明
太守再雕飾新圖粉壁還芳菲

一州笑我為狂客少年往往來相譏君平簾下誰家子
云是遼東丁令威作詩調我驚逸興白雲遙筆窗前飛
待取明朝酒醒罷與君爛漫尋春暉

答裴侍御先行至石頭驛以書見招期月滿泛
洞庭

君至石頭驛寄書黃鶴樓開緘識遠意速此南行舟風
水無定準湍波或一作滯留憶昨新月生西簷若瓊鈎
今來何所似破鏡懸清秋恨不三五明平湖泛澄流此

歡竟莫遂狂

一作杜

殺王子猷巴陵定遙遠持贈解人憂

答高山人兼呈權顧二侯

虹霓掩天光哲后起康濟應運生夔龍開元掃氛翳太
微廓金鏡端拱清遐裔輕塵集嵩嶽虛點盛明意謬揮
紫泥詔獻納青雲際讒惑英主心思疎佞臣計彷徨庭
闕下歎息光陰逝未作仲宣詩先流賈生涕挂帆秋江
上不為雲羅制山海向東傾百川無盡勢我於鴟夷子
相去千餘歲運闊英達稀同風遙執袂登艤望遠水忽

見滄浪泄高士何處來虛舟渺安繫衣貌本淳古文章
多佳麗延引故鄉人風義未淪替顧侯達語默權子識
通蔽曾是無心雲俱為此留滯雙萍易飄轉獨鶴思凌
厲明晨去瀟湘共謁蒼梧帝

答杜秀才五松見贈

五松山在南陵
銅坑西五六里

昔獻長楊賦天開雲雨歡當時待詔承明裏皆道揚雄
才可觀勅賜飛龍二天馬黃金絡頭白玉鞍浮雲蔽日
去不返總為秋風摧紫蘭角巾東出商山道採秀行歌

詠芝草路逢園
綺笑向人兩君解來一何好聞道金陵
龍虎盤還同謝朓望長安千峰夾水向秋浦五松名山
當夏寒銅井炎爐欹九天赫如鑄鼎荆山前陶公釀鑠
呵赤電回祿睢盱揚紫煙此中豈是久留處便欲燒丹
從列仙愛聽松風且高卧颶颶吹盡炎氛一作風過登崖
獫立望九州陽春欲奏誰相和聞君徃年遊錦城章仇
尚書倒屣迎飛箋絡繹奏明主天書降問廻恩榮耽饌
不能就珪組至今空揚高蹈名夫子工文絕世奇五松

新作天下推吾非謝尚邀彥伯異代風流各一時一時
相逢樂在今袖拂白雲開素琴彈為三峽流泉音從茲
一別武陵去去後桃花春水深

至陵陽山登天柱石訶韓侍御見招隱黃山

韓衆騎白鹿西往華山中玉女千餘人相隨在雲空見
我傳祕訣精誠與天通何意到陵陽遊目送飛鴻天子
昔避狄與君亦乘驄擁兵五陵下長策遏胡戎時泰解
繡衣脫身若飛蓬鸞鳳翻羽翼啄粟坐樊籠海鶴一笑

之思歸向遼東黃山過石柱嶧崿上攢叢因巢翠玉樹
忽見浮丘公又引王子喬吹笙舞松風朗詠紫霞篇請
開藥珠宮步綱繞碧落倚樹招青童何日可攜手遺形
入無窮

詒崔十五見招

爾有鳥跡書相招琴溪飲手跡尺素中如天落雲錦讀
罷向空笑疑君在我前長吟字不滅懷袖且三年

答王十二寒夜獨酌有懷

此詩蕭士贊云是偽作

昨夜吳中雪子猷佳興發萬里浮雲卷碧山青天中道
流孤月孤月滄浪河漢清北斗錯落長庚明懷余對酒
夜霜白玉牀金井冰崢嶸人生飄忽百年內且須酣暢
萬古情君不能狸膏金距學鬪雞坐令鼻息吹虹霓君
不能學哥舒橫行青海夜帶刀西屠石堡取紫袍吟詩
作賦北牕裏萬言不直一杯水世人聞此皆掉頭有如
東風射馬耳魚目亦笑我請一作謂與明月同驛驅拳跔
不能食蹇驢得志鳴春風折楊皇華合流俗晉君聽琴

枉清角巴人誰肯和陽春楚人由來賤奇璞黃金散盡
交不成白首為儒身被輕一談一笑失顏色蒼蠅貝錦
喧謗聲曾參豈是殺人者讒言三及慈母驚與君論心
握君手榮辱於余亦何有孔聖猶聞傷鳳麟董龍更是
何雞狗一生傲岸苦不諧恩疎媒勞志多乖嚴陵高揖
漢天子何必長劍拄頤事玉階達亦不足貴窮亦不足
悲韓信羞將絳灌比禰衡恥逐屠沽兒君不見李北海
英風豪氣今何在君不見裴尚書土墳三尺蒿棘一作

居少年早欲五湖去見此彌將鍾鼎疎

御定全唐詩卷一百七十八

欽定四庫全書
欽定全唐詩卷一百七十九

御定全唐詩卷一百七十九

李白

遊南陽白水登石激作

朝涉白水源暫與人俗踈島嶼佳境色江天涵清虛目
送去海雲心閒遊川魚長歌盡落日乘月歸田廬

遊南陽清冷泉

惜彼落日暮愛此寒泉清西輝逐流水蕩漾游子情空

歌望雲月曲盡長松聲

尋魯城北范居士失道落蒼耳中見范置酒摘
蒼耳作

雁度秋色遠日靜無雲時客心不自得浩漫將何之
憶范野人間園養幽姿茫然起逸興但恐行來遲城壕
失往路馬首迷荒陂不惜翠雲裘遂為蒼耳欺入門且
一笑把臂君為誰酒客愛秋蔬山盤薦霜梨他筵不下
筭此席忘朝飢酸棗垂北郭寒瓜蔓東籬還傾四五酌

自詠猛虎詞近作十日歡遠為千載期風流自簸蕩謳
浪偏相宜酣來上馬去却笑高陽池

東魯門泛舟二首

日落沙明天倒開波搖石動水縈迴輕舟泛月尋溪轉
疑是山陰雪後來

水作青龍盤石堤桃花夾岸魯門西若教月下乘舟去
何啻風流到剡溪

秋獵孟諸夜歸置酒單父東樓觀妓

傾暉速短炬走海無停川冀餐圓丘草欲以還顏年此
事不可得微生若浮煙駿發跨名駒雕弓控鳴弦鷹豪
魯草白孤兔多肥鮮邀遮相馳逐遂出城東田一掃四
野空喧呼鞍馬前歸來獻所獲炮炙宜霜天出舞兩美
人飄颻若雲仙留歡不知疲清曉方來旋

遊泰山六首

天寶元年四月從
故御道上泰山

四月上泰山石屏一作平御道開六龍過萬壑澗谷隨紫
迴馬跡遶碧峯于今滿青苔飛流灑絕巘水急松聲哀

北眺崿嶂奇傾崖向東摧洞門閉石扇地底興雲雷登
高望蓬瀛想像金銀臺天門一長嘯萬里清風來玉女
四五人飄颻下九垓含笑引素手遺我流霞杯稽首再
拜之自愧非仙才曠然小宇宙棄世何悠哉

清曉騎白鹿直上天門山山際逢羽人方瞳好容顏捫
蘿欹就語却掩青雲闕遺我鳥跡書飄然落巖間其字
乃上古讀之了不閑感此三歎息從師方未還

平明登日觀舉手開雲闕精神四飛揚如出天地間黃

河從西來窈窕入遠山憑崖攬覽一作八極目盡長空閒

偶然值青童綠髮雙雲鬟笑我晚學仙蹉跎凋朱顏躋

躇忽不見浩蕩難追攀

清齋三千

一作十

日裂素寫道經吟誦有所得衆神衛我

形雲行信長風颯若羽翼生攀崖上日觀伏檻窺東溟
海色動遠山天雞已先鳴銀臺出倒景白浪翻長鯨安
得不死藥高飛向蓬瀛

日觀東北傾兩崖夾雙石海水落眼前天光遙

一作空

碧千峯爭攢聚萬壑絕凌歷緬彼鶴上仙去無雲中跡
長松入雲一作霄漠遠望不盈尺山花異人間五月雪中
白終當遇安期於此鍊玉液

朝飲王母池暝投天門闕獨抱綠綺琴夜行青山間山
明月露白夜靜松風歇仙人遊碧峯處處笙歌發寂靜

一作聽娛清暉玉真連翠微想像鸞鳳舞飄飄龍虎衣捫

天摘匏瓜恍惚不憶歸舉手弄清淺誤攀織女機明晨
坐相失但見五雲飛

秋夜與劉碭山泛宴喜亭池

明宰試舟楫張燈宴華池文招梁苑客歌動郢中兒月色望不盡空天交相宜令人欲泛海只待長風吹

攜妓登梁王棲霞山孟氏桃園中

碧草已滿地柳與梅爭春謝公自有東山妓金屏笑坐如花人今日非昨日明日還復來白髮對綠酒強歌心已摧君不見梁王池上月昔照梁王樽酒中梁王已去明月在黃鸝愁醉啼春風分明感激眼前事莫惜醉臥

桃園東

與從姪杭州刺史良遊天竺寺

挂席凌蓬丘觀濤憩樟樓三山動逸興五馬同遨遊天
竺森在眼松風颯驚秋覽雲測變化弄水窮清幽疊嶂
隔遙海當軒寫歸流詩成傲雲月佳趣滿吳洲

同友人舟行遊台越作

楚臣傷江楓謝客拾海月懷沙去瀟湘挂席泛溟渤蹇
予訪前跡獨往造窮髮古人不可攀去若浮雲沒願言

弄倒景從此鍊真骨華頂窺絕演蓬壺望超忽不知青
春度但怪綠芳歇空持釣鼈心從此謝魏闕

下終南山過斛斯山人宿置酒

暮從碧山下山月隨人歸却顧所來徑蒼蒼橫翠微相
攜及田家童稚開荆扉綠竹入幽徑青蘿拂行衣歡言
得所憇美酒聊共揮長歌吟松風曲盡河星一作星河稀我

醉君復樂陶然共忘機

朝下過盧郎中叙舊遊

君登金華省我入銀臺門幸遇

一作

聖明主俱承雲雨

恩復此休浣時間為疇昔言却話山海事宛然林壑存
明湖思曉月疊嶂憶清猿何由返初服田野醉芳樽

侍從遊宿溫泉宮作

羽林十二將羅列應星文霜仗懸秋月霓旌卷夜雲嚴
更千戶肅清樂九天聞日出瞻佳氣葱蘋繞聖君

邯鄲南亭觀妓

歌鼓一作妓 燕趙兒魏姝弄鳴絲粉色艷日一作月 彩舞袖

一作
衫 拂花枝把酒顧美人請歌邯鄲詞清箏何繚繞度
曲綠雲垂平原君安在斜斗生古池座客三千人于今
知有誰我輩不作樂但為後代悲

春日遊羅敷潭

行歌入谷口路盡無人躋攀崖度絕壑弄水尋迴溪雲
從石上起客到花間迷淹留未盡興日落羣峯西

春陪商州襄使君遊石娥溪

時欲東歸遂有此贈

襄公有仙標拔俗數千丈澹蕩滄洲雲飄颻紫霞想割

竹商洛間政成心已閒蕭條出世表冥寂閉玄關我來
屬芳節解榻時相悅褰帷對雲峯揚袂指松雪颸出東
城邊遂遊西巖前橫天聳翠壁噴壑鳴紅泉尋幽殊未
歇愛此春光發溪傍饒名花石上有好月命駕歸去來
露華生翠一作綠苔淹留惜將晚復聽清猿哀清猿斷人
腸遊子思故鄉明發首東路此懽焉可忘

陪從祖濟南太守泛鵲山湖三首

初謂鵲山近寧知湖水遙此行殊訪戴自可緩歸橈

湖濶數千里湖光搖碧山湖西正有月獨送李膺還
水入北湖去舟從南浦回遙看鵲山轉却似送人來

春日陪楊江寧及諸官宴北湖感古作

昔聞顏光祿攀龍宴京

一作重

湖樓船入天鏡帳殿開

雲衢君王歌大風如樂豐沛都延年獻佳作邈與詩人
俱我來不及此獨立鍾山孤楊宰穆清風

一作颺

芳聲騰

海隅英僚滿四座粲若瓊林敷鷁首弄倒景蛾眉綴明

珠新弦採

一作

梨園古舞嬌吳歛曲度繞雲

一作清

漠聽

者皆歡娛雞棲何嘈嘈江一作月沸笙竽古之帝宮苑
今乃人樵蘇感此勸一觴願君覆瓢壺榮盛一作時當作
樂無令後賢吁

宴鄭參卿山池

爾恐碧草晚我畏朱顏移愁看楊花飛置酒正相宜歌
聲送落日舞影迴清池今夕不盡杯留歡更邀誰

遊謝氏山亭

淪老臥江海再歡天地清病閒久寂寞歲物徒芬榮借

君西池遊聊以散我情
掃雪松下去捫蘿石道行謝公
池塘上春草颯已生花枝拂人來
山鳥向我鳴田家有美酒落日與之傾
醉罷弄歸月遙欣稚子迎

把酒問月

故人賈淳
令予問之

青天有月來幾時
我今停杯一問之人攀明月不可得
月行却與人相隨皎如飛鏡臨丹闕
綠烟滅盡清輝發
但見宵從海上來寧知曉向雲間
沒白兔擣藥秋復春
嫦娥孤棲與誰鄰今人不見古時月
今月曾經照古人

古人今人若流水共看明月皆如此惟願當歌對酒時
月光長照金樽裏

同族姪評事顥遊昌禪師山池二首

遠公愛康樂為我開禪闕蕭然松石下何異清涼山花
將色不染水與心俱閒一坐度小劫觀空天地間

客來花雨際秋水落金池片石寒青錦疎楊挂綠絲高
僧拂玉柄童子獻霜梨惜去愛佳景煙蘿欲暝時

金陵鳳皇臺置酒

置酒延落景金陵鳳皇臺長波寫萬古心與雲俱開借
問往昔時鳳皇為誰來鳳皇去已久正當今日迴明君
越羲軒天老坐三台豪士無所用彈弦醉金罍東風吹
山花安可不盡杯六帝沒幽草深宮寘綠苔置酒勿復
道歌鐘但相催

秋浦清溪雪夜對酒客有唱山鶲鵠者

披君一作我貂襜褕對君白玉壺雪花酒上減頃覺夜寒

無客有桂陽至能吟山鶲鵠清風動窗竹越鳥起相呼

持此足為樂何煩笙與竽

與周剛清溪玉鏡潭宴別

潭在秋浦桃樹陂下余新名此潭

康樂上官去永嘉遊石門江亭

一作中

有孤嶼千載跡猶

存我來游

一作憇

秋浦三入桃陂源千峯照積雪萬壑盡

啼猿興與謝公合文因周子論掃厓去落葉席

一作帶月

開清樽溪當大樓南溪水正南奔迴作玉鏡潭澄明洗

心魂此中得佳境可以絕囂喧清夜方歸來酣歌出平
原別後經此地為余謝蘭蓀

遊秋浦白笥陂二首

何處夜行好月明白笥陂山光搖積雪猿影挂寒枝但
恐佳景晚小令歸櫂移人來有清興及此有相思
白笥夜長嘯爽然溪谷寒魚龍動陂水處處生波瀾天
借一明月飛來碧雲端故鄉不可見腸斷正西看

宴陶家亭子

曲巷幽人宅高門大士家池開照膽鏡林吐破顏花綠
水藏春日青軒祕晚霞若聞弦管妙金谷不能誇

在水軍宴韋司馬樓船觀妓

搖曳帆在空清流

一作川

順歸風詩因歌吹發酒為劒歌

雄對舞青樓妓雙鬟白玉童行雲且莫去留醉楚王宮

流夜郎至江夏陪長史叔及薛明府宴興德寺

南閣

紺殿橫江上青山落鏡中岸迴沙不盡日映水成空天

樂流

一作聞

香閣蓮舟颶晚風恭陪竹林宴留醉與陶公

泛沔州城南郎官湖

并序

乾元歲秋八月白遷於夜郎遇故人尚書郎張謂
出使夏口沔州牧杜公漢陽宰王公觴于江城之
南湖樂天下之再平也方夜水月如練清光可掇
張公殊有勝槩四望超然乃顧白曰此湖古來賢
豪遊者非一而枉踐佳景寂寥無間夫子可為我
標之嘉名以傳不朽自因舉酒酌水號之曰郎官
湖亦猶鄭圃之有僕射陂也席上文士輔翼岑靜
以為知言乃命賦詩紀事刻石湖側將與大別山

共相磨滅焉

張公多逸興共泛沔城隅當時秋月好不減武昌都四
座醉清光為歡古來無郎官愛此水因號郎官湖風流
若未減名與此山俱

陪侍郎叔遊洞庭醉後三首

今日竹林宴我家賢侍郎三杯容小阮醉後發清狂
船上齊橈樂湖心泛月歸白鷗閒不去爭拂酒筵飛
割却君山好平鋪湘水流巴陵無限酒醉殺洞庭秋

夜泛洞庭尋襄侍御清酌

日晚湘水綠孤舟無端倪明湖漲秋月獨泛巴陵西過
憇襄逸人巖居陵丹梯抱琴出深竹為我彈鷗雞曲盡
酒亦傾北窗醉如泥人生且行樂何必組與珪

陪族叔刑部侍郎煜及中書賈舍人至遊洞庭

五首

洞庭西望楚江分水盡南天不見雲日落長沙秋色遠
不知何處弔湘君

南湖秋水夜無烟耐可乘流直上天且就一作洞庭賒

月色將船買酒白雲邊

洛陽才子謫湘川元禮同舟月下仙記得長安還欲笑
不知何處是西天

洞庭湖西秋月輝瀟湘江北早鴻飛醉客滿船歌白苧
不知霜露入秋衣

帝子瀟湘去不還空餘秋草洞庭間淡掃明湖開玉鏡
丹青畫出是君山

楚江黃龍磯南宴楊執戟治樓

五月入五洲碧山對青樓故人楊執戟春賞楚江流一

見醉

一作波

漂月三杯歌

一作縱

權謳桂枝攀不盡他日更

相求

銅官山醉後絕句

我愛銅官樂千年未擬還要須迴舞袖拂盡五松山

與南陵常贊府遊五松山

山在南陵銅井西
五里有古精舍

安石泛溟渤獨嘯長風還逸韻動海上高情出人間靈

異可並跡澹然與世間我來五松下置酒窮躋攀徵古
絕遺老因名五松山五松何清幽勝境美沃州蕭颯鳴
洞壑終年風雨秋響入百泉去聽如三峽流剪竹掃天
花且從傲吏遊龍堂若可憇吾欲歸精修

宣城青溪

一作入
清溪山

青溪勝桐廬水木有佳色山貌日高古石容天傾側線
鳥昔未明白猿初相識不見同懷人對之空歎息

與謝良輔遊涇川陵巖寺

乘君素舸泛涇西宛似雲門對若溪且從康樂尋山水
何必東遊入會稽

遊水西簡鄭明府

天宮水西寺雲錦照東郭清湍鳴迴溪綠水遙飛閣涼
風日瀟灑幽客時憇泊五月思貂裘謂言秋霜落石蘿
引古蔓岸筍開新籜吟翫空復情相思爾佳作鄭公詩
人秀逸韻宏寥廓何當一來遊愜我雪山諾

九日登山

淵明歸去來不與世相逐為無杯中物遂偶本州牧因招白衣人笑酌黃花菊我來不得意虛過重陽時題輿何俊發遂結城南期築土按響山俯臨宛水渭胡人叫玉笛越女彈霜絲自作英王胄斯樂不可窺赤鯉湧琴高白龜道馮夷靈仙如彷彿奠酌遙相知古來登高人今復幾人在滄洲違宿諾明日猶可待連山似驚波合沓出溟海揚袂揮四座酩酊安所知齊歌送清揚起舞亂參差賓隨落葉散帽逐秋風吹別後登此臺願言長

相思

九日

今日雲景好水綠秋山明攜壺酌流霞
搴菊泛寒榮地遠松石古風揚弦管清
窺觴照歡顏獨笑還自傾落帽醉山月
空歌懷友生

九日龍山飲

九日龍山飲黃花笑逐臣醉者風落帽舞愛月留人

九月十日即事

昨日登高罷今朝更舉觴菊花何太苦遭此兩重陽

陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺升

公湖上

一作山

秀粲然有辯才濟人不利已立俗無嫌猜

了見水中月青蓮出塵埃閒居清風亭左右清風來當暑

陰廣殿太陽為襄回茗酌待幽客珍盤薦彤梅飛文何

灑落萬象為之摧季父擁鳴琴德聲布雲雷雖遊道林

室亦舉陶潛杯清樂動諸天長松自吟哀留歡若可盡

劫石乃成灰

御定全唐詩卷一百七十九

謹案卷一百七十五第二頁前六行樟亭望潮還

按李集樟亭作章臺

卷一百七十六第五頁前五行青莎白石長沙邊

昨夢江花照江日按李集沙作江日作國


卷一百七十七第七頁後五行一作陪侍御叔華

登樓歌刊本陪訛倍今改

卷一百七十八第一頁後八行甘心為轉蓬按李

集為作如





總校官庶吉士臣張能照
校對官檢討臣蕭九成
謄錄舉人臣張呈立

欽定四庫全書會要

集部

御定全唐詩卷一百八十五至八十四

詳校候補道政司經應臣郭祚熾

欽定四庫全書
欽定全唐詩卷一百八十五

集部

御定全唐詩卷一百八十五

李白

登錦城散花樓

日照錦城頭朝光散花樓金窗夾繡戶珠箔懸銀

一作
瓊

鉤飛梯緣雲中極目散我憂

一作
愁

暮雨向三峽春江繞

雙流今來一登望如上九天遊

登峨眉山

蜀國多仙山峨眉邈難匹周流試登覽絕怪安可息青

冥倚天闊

一作關

彩錯疑畫出冷然紫霞賞果得錦囊術

雲間吟瓊簫石上弄寶瑟平生有微尚歡笑自此畢烟
容如在顏塵累忽相失儻逢騎羊子攜手凌白日

大庭庫

朝登大庭庫雲物何蒼然莫辨陳鄭火空羈鄒魯烟我
來尋梓慎觀化入寥天古木朔氣多松風如五弦帝圖
終冥沒歎息滿山川

登單父陶少府半月臺

陶公有逸興不與常人俱築臺像半月迴向

一作
迥出

高城

隅置酒望白雲商

一作
高

颺起寒梧秋山入遠海桑柘羅

平蕪水色綠且明

一作
清

令人思鏡湖終當過江去愛此

暫踟蹰

天台曉望

天台鄰四明華頂高百越門標赤城霞樓棲滄島月憑
高登遠覽直下見溟渤雲垂大鵬翻波動巨鼇沒風潮

爭徇湧神怪何翕忽觀奇跡無倪好道心不歇攀條摘

朱實服藥鍊金骨安得生羽毛年春臥蓬闕

早望海霞邊

四明三千里朝起赤城霞日出紅光散分輝照雪厓一
餐嚥瓊液五內發金沙舉手何所待青龍白虎車

焦山望寥山

石壁望松寥宛然在碧霄安得五綠虹駕天作長橋仙
人如愛我舉手來相招

杜陵絕句

南登杜陵上北望五陵間秋水明落日流光滅遠山

登太白峰

西上太白峰夕陽窮登攀太白與我語為我開天闢願

乘冷風去直出

一作上

浮雲間舉手可近月前行若無山

一別武功去何時復見還

登邯鄲洪波臺置酒觀發兵

我把兩赤羽來遊燕趙間天狼正可射感激無時閒觀

兵洪波臺倚劍望玉關
請纓不繫越且向燕然山風引
龍虎旗歌鐘昔一作憶
追擊擊筑落高月投壺破愁顏

遙知百戰勝定掃鬼方還

登新平樓

去國登茲樓懷歸傷暮秋天長
落日遠水淨寒波流秦
雲起嶺樹胡雁飛沙洲蒼蒼幾萬里
目極令人愁

謁老君廟

先君懷聖德靈廟肅神心草合人蹤斷塵濃鳥跡深流

沙丹竈滅關路紫烟沉獨傷千載後空餘松柏林

秋日登揚州西靈塔

寶塔凌蒼蒼登攀覽四荒頂高元氣合標出海雲長萬
象分空界三天接畫梁水搖金刹影日動火珠光鳥拂
瓊簾度霞連繡拱張目隨征路斷心逐去帆揚露浴梧
楸白霜催橘抽黃玉毫如可見於此照迷方

登金陵冶城西北謝安墩

此墩即晉太傅謝安與右軍王羲之同登

超然有高世之志余特營圃其上故作是詩也

晉室昔橫潰永嘉遂南奔沙塵何茫茫龍虎鬪朝昏胡

馬風漢草天驕蹙中原哲匠感頽運雲鵬忽飛翻組練

照楚國旌旗連海門西秦百萬衆戈甲如雲屯投鞭

作策可填江一埽不足論一作一朝為我吞皇運有返正醜虜無

遺魂談笑遏橫流蒼生望斯存冶城訪古跡一作至今

古城隅

猶有謝安墩憑覽周地險高標絕人喧想像東山姿緬

懷右軍言梧桐識嘉樹蕙草留芳根白鷺映春洲青龍

見朝暾地古雲物在臺傾禾黍繁我來酌清波於此樹

名園功成拂衣去歸入

一作長嘯

武陵源

登瓦官閣

晨登瓦官閣極眺金陵城鍾山對北戶淮水入南禁漫
漫雨花落嘈嘈天樂鳴兩廊振法鼓四角吟

一作吹

風箏

杳出霄漢上仰攀日月行山空霸氣滅地古寒陰生寥

廓雲海晚蒼茫宮觀平門餘闇闔宇樓識鳳凰名雷作
百山動神扶萬栱傾靈光何足貴長此鎮吳京

登梅岡望金陵贈族姪高座寺僧中孚

鍾山抱金陵霸氣昔騰發天開帝王居海色照宮闈羣

峰如逐鹿奔走相馳突江水九道來雲端遙明沒時遷

大運去龍虎勢休歇我來屬天清登覽窮楚越吾宗挺

禪伯特秀鸞鳳骨

一作吾宗道門
秀特異鸞鳳骨

衆星羅青天明

一作朗

者獨有月冥居順生理草木不剪伐煙窗引薔薇石壁

老野蕨吳風謝安屐白足傲履轡幾宿一下山

一作下山來

蕭然忘干謁談經演金渴降鶴舞海雪時間天香來了

與世事絕佳遊不可得春風惜遠別賦詩留巖屏千載

庶不滅

登金陵鳳凰臺

鳳凰臺上鳳凰遊
鳳去臺空江自流
吳宮花草埋幽徑
晉代衣冠成古丘
三山半落青天外
二水中分白鷺洲
總為浮雲能蔽日
長安不見使人愁

望廬山瀑布水二首

西登香爐峯南見瀑布水挂流三百

一作千

丈噴壑數十

里歛如飛電

練一作

來隱若白虹起初驚河漢

銀一作

落半

灑雲天裏

一作半瀉
金潭裏

仰觀勢轉雄壯哉造化功海風吹

不斷江山

一作月照還空空

月中亂濛射左右洗青壁飛珠

散輕霞流沫沸穹石而我樂名山對之心益閒無論漱瓊液還得洗塵顏且諧宿所好永願辭人間

日照香爐生紫煙遙看瀑布挂前川

一作廬山上與星斗連日照香爐生

紫煙飛流直下三千尺疑是銀河落九天

登廬山五老峰

廬山東南五老峰青天削出金芙蓉九江秀色可攬結

吾將此地巢雲松

江上望皖公山

奇峰出奇雲秀木含秀氣清宴皖公山巋絕稱人意獨遊滄江上終日淡無味但愛茲嶺高何由討靈異默然遙相許欲往心莫遂待吾還丹成投跡歸此地

望黃鶴樓

東望黃鶴山雄雄半空出四面生白雲中峰倚紅日巖巒行穹跨峰嶂亦冥密頗聞列仙人於此學飛術一朝

向蓬海千載空石室金龜生烟埃玉潭祕清謐地古遺
草木庭寒老芝朮蹇予羨攀躋因欲保閒逸觀奇偏諸
嶽茲嶺不可匹結心寄青松永悟容情畢

鸚鵡洲

鸚鵡來過吳江水江上洲傳鸚鵡名鸚鵡西飛龍山去
芳洲之樹何青青烟開蘭葉香風暖岸夾桃花錦浪生
遷客此時徒極目長洲孤月向誰明

九日登巴陵置酒望洞庭水軍

時賊逼華容縣

九日天氣清登高無秋雲造化闢川嶽了然楚漢分長
風鼓橫波合沓蹙龍文憶昔傳遊豫樓船壯橫汾今茲
討鯨鯢旌旆何纘紛白羽落酒樽洞庭羅三軍黃花不
掇手戰鼓遙相聞劖舞轉頽陽當時日停曛酣歌激壯
士可以摧妖氛齷齪東籬下淵明不足羣

秋登巴陵望洞庭

清晨登巴陵周覽無不極明湖映天光徹底見秋色秋
色何蒼然際海俱澄鮮山青滅遠樹水綠無寒烟來帆

出江中去鳥向日邊風清長沙浦山

一作霜

空雲夢田瞻

光惜頽髮閭水悲徂年北渚既蕩漾東流自潺湲郢人

唱白雪越女歌採蓮聽此更腸斷憑崖淚如泉

與夏十二登岳陽樓

樓觀岳陽盡川迥

一作向

洞庭開雁引愁心去

一作雁別

秋江去

山銜好月來雲間連

一作逢

下榻天上接行杯醉後涼風

起吹人舞袖迴

登巴陵開元寺西閣贈衡嶽僧方外

衡嶽有聞

一作開

士五峰秀真骨見君萬里心海水照秋

月大臣南溟去問道皆請謁灑以甘露言清涼潤肌髮
明湖落天鏡香閣凌銀闕登眺餐惠風新花期啟發

與賈至舍人於龍興寺剪落梧桐枝望滄湖

剪落青梧枝滄湖坐可窺雨洗秋山淨林光澹碧滋水
閒明鏡轉雲繞畫屏移千古風流事名賢共此時

挂席江上待月有懷

待月月未出望江江自流倏忽城西郭青天懸玉鉤素

華雖可攬清景不同遊耿耿金波裏空瞻鳩鵲樓

金陵望漢江

漢江迴萬里派作九龍盤橫潰豁中國崔嵬飛迅湍六
帝淪亡後三吳不足觀我君混區宇垂拱衆流安今日
任公子滄浪罷釣竿

秋登宣城謝朓北樓

江城如畫裏山曉望晴空兩水夾明鏡雙橋落彩虹人
烟寒橘柚秋色老梧桐誰念北樓上臨風懷謝公

望天門山

天門中斷楚江開
碧水東流至一作直北迴兩岸青山相對出孤帆一片日邊來

望木瓜山

早起見日出暮見棲鳥還
客心自酸楚况對木瓜山

登敬亭北二小山余時送客逢崔侍御並登此地

送客謝亭北逢君縱酒還
屈盤戲白馬大笑上青山迴

鞭指長安西日落秦關帝鄉三千里杳在碧雲間

過崔八丈水亭

高閣橫秀氣清幽併在君簷飛宛溪水窗落敬亭雲緩
嘯風中斷漁歌月裏聞閒隨白鷗去沙上自為羣

登廣武戰場懷古

秦鹿奔野草逐之若飛蓬項王氣蓋世紫電明雙瞳呼
吸八千人橫行起江東赤精斬白帝叱咤入關中兩龍
不並躍五緯與天同楚滅無英圖漢興有成功按劍清

八極歸酣歌大風伊昔臨廣武連兵決雌雄分我一杯

羨太皇乃汝翁戰爭有古跡壁壘頽層穹猛虎嘯一作吟

洞壑飢鷹鳴

一作獵

秋空翔雲列曉陣殺氣赫長虹撥亂

屬豪聖俗儒安可通沈湎呼豎子狂言非至公撫掌黃

河曲喧喧阮嗣宗

御定全唐詩卷一百八十